

Postura da Agamfec ante os baremos nas oposicións e traslados

Jaime González Rey
Presidente AGAMFEC

Vital Diéguez Pereira
Secretario AGAMFEC

Cad Aten Primaria
Año 2008
Volume 15
Pág. 182-183

Dende a AGAMFEC (Asociación de Médicos de Familia de Galicia), quen representa ó colectivo de médicos que se especializaron en "MEDICINA DE FAMILIA E COMUNITARIA" (4 anos de formación) e que vela polo seu desenrolo científico, e pola defensa e respecto de dito colectivo, fai público o seu malestar e a súa denuncia polas inxustizas cometidas no desenrolo da oposición de médicos levada a cabo entre o ano pasado e éste.

Fai público que a AGAMFEC se opuxo ó sistema de baremación negociado polos sindicatos e a Consellería na mesa sectorial nada máis coñecer a infravaloración, desprezo e inxustiza que se estaba a acometer cos médicos especialistas en MEDICINA DE FAMILIA. Feito que non se tivo en conta pola Consellería de Sanidade (ano 2007) e que nos levou a presentar un recurso no Tribunal Superior de Xustiza Galego, o cal foi desestimado.

As razóns de estar en contra do sistema de baremación son as seguintes:

1ª) Puntúase a formación continuada, onde un expón os cursos e méritos académicos que acadou o longo da súa vida profesional, sobre un máximo de 10,5 puntos. Dan polo feito de posuir a especialidade 7,5 puntos. De forma que aqueles facultativos que non teñan a especialidade podan suplir esa falta con cursos que poden realizar libremente e moitas veces por internet e de dubidosa calidade.

Este feito denigra e insulta os médicos de familia que fan unha especialidade de 4 anos ó igual que calquera outro especialista.

2ª) Non se ten en conta o tempo de traballo durante o periodo de formación MIR, é dicir que se un médico realiza a especialidade de medicina de familia só lle dan os puntos por formación e non como tempo traballado (4 anos que un médico que opte por non especializarse ten a maiores).

Hai moitas sentenzas ó respecto:

- Sentenza Tribunal Superior de Xustiza Galicia núm. 531/2002 (Sala do Contencioso-Administrativo, Sección 1), de 10 abril, Xurisdicción: Contencioso-Administrativa.
- Sentenza Tribunal Superior de Xustiza Galicia núm. 1329/2002 (Sala do Contencioso-Administrativo).
- Sentencia Tribunal Superior de Xustiza de Galicia: 1068/2003 (Sala do Contencioso-Administrativo).

Todas elas interpostas contra ó SERGAS pola súa discriminación á medicina de familia, e todas fallaron en contra do SERGAS.

Hai moitas sentencias do Tribunal Supremo a favor de que "a especialidade ten dúas vertientes: unha formativa e outra laboral".

3ª) Non se computan cursos que se realizaron durante os anos nos que un médico fai a súa especialidade, ou anteriores pero sen embargo contan tódolos cursos que realizaron aqueles médicos que non lle esixen ter especialidade de familia.

Todo son dificultades contra os médicos de Familia.

As razóns en contra da lóxica (alguén que invirte 4 anos da súa vida en formarse ten dereito a que se lle reconozan e que non se iguallen a uns cantos cursiños) e da Xustiza (múltiples sentenzas de tribunais superiores a favor de ter en conta os anos traballados e a vez ó feito de ser especialista); non as entendemos nin queremos especular.

O que nos alarma, é que esta actitude minusvalorativa da Consellería de Sanidade cara a especialidade de Medicina de Familia non só está centrada nesta oposición nin foi un erro puntual; senón que existen gran cantidade de inxustizas en ámbitos moi dispares. Imos expoñer algúns exemplos:

- Os médicos ó longo da súa vida profesional van adquirindo un grao evolutivo englobado dentro da chamada "Carreira Profe-

sional". Pois ben, se un médico hai 18 anos opta por facer a especialidade, co esforzo e adicación que iso supón, e outro mesmo médico da súa mesma promoción decide porse a traballar xa; hoxe o médico que non fixo a especialidade ten o grao máximo e o que se formou non, por que non lle contan os anos traballados como MIR.

- Estamos agora inmersos no concurso de traslados. Na baremación, novamente, non se computa o tempo traballado como residente e no mesmo apartado de formación, sobre un máximo de 20 puntos, entran conxuntamente especialidade, tese doctoral, traballos publicados e cursos.

Dende a Asociación de Médicos de Familia de Galicia (AGAMFEC) repetímoslle a Consellería de Sanidade, con María Xosé Rubio á cabeza, e aos sindicatos, que repudiamos a súa decisión na convocatoria de oposición médicas 2006, que estamos tremendamente

doídos e que consideramos que foi un ataque, unha trampa premeditada contra o colectivo de médicos de familia.

Recordámoslle que a escasez dos médicos vese agravada con actuacións coma esta, que provoca o desinterés e o rexeitamento lóxico de compañeiros que ante tal discriminación prefiren traballar no sector privado, mutuas, Portugal, etc; e non están os tempos para isto...

Dende AGAMFEC esiximos que estas INXUSTIZAS non se volvan a cometer na próxima convocatoria de oposición médicas que terá lugar a finais do ano 2008, e anunciamos que empregaremos todas as nosas enerxías en defender os intereses dunha especialidade digna, necesaria e que se creou para beneficio da poboación en xeral. Levaremos a cabo tantas medidas como sexan posibles para impedilo, xa que nesta convocatoria (Año 2006) que xa está a rematar non non queda máis que a resignación ante a INXUSTIZA!